

1

P A R E R G O N
A D E X A M E N
LIBRI PONTIFICALIS
S I V E

Disquisitio Vocis τὸ Doctoribus , seu Detractoribus , quæ in Epistola Pij II. ad Carolum VII. Regem Franciæ expressa est , quo sensu legenda sit , cùm illam ab Hæreticis deprauatam fuisse ex factò ostendatur ; Propterea pristino , & genuino sensui restituitur .



I huius sæculi genio eruditio-
num feracis indulgere veli-
mus, vtique in censuris fe-
rendis nos detinere debemus.
Prolixam igitur, rigidamque
censuram de Codice Vitarum
Romanorum Pontificum, qui
sub Anastasij Bibliothecarij
nomine circumfertur, nuper in lucem emisimus,
ac singulas Vitas singulis suis Auctoribus restitue-
re tentauimus. Non incongruum propterea fue-
rit, si animaduersionem per nos factam super vo-
cem
A
cem

cem ꝛđ *Doctoribus* siue *Detraкторibus* in Epistola Pij II. ad Carolum VII. Regem Franciæ expressam, quomodo ipsa vox legenda ac intelligenda sit, hîc apponamus, & hanc Disquisitionem tanquam *Parergon* adjiciamus.

Ioannes Launoïus in hoc sæculo Reipublicæ, Literariæ, & præsertim Ecclesiasticarum Rerum studiosis, sat notus, in Auctoritatem Romani Pontificis, ac honorem, Dignitatemque Romanæ, Curiæ carpendam admodum pronus, suum in eandem Curiam stylum ex hac voce conatur acuerre, vt infra ostendemus.

Anno præterito cùm ego secundum Epistolarum Tomum attentius perlegerem, & obseruarem, si quid in eis contra Sacram Scripturam, Catholica dogmata, ac bonos mores reperirem; Inter alia, quæ non leui censura digna existinaui, quædam declamatio fuit, bis in prima, bis in secunda, terque in quinta Epistola repetita; quibus in locis quandam particulam refert Epistolæ Pij II. ad Carolum VII. Regem Franciæ, quam ita se habere affirmat: *Vnum à te petimus, vt Doctoribus Sedis Apostolicæ semper non credas, sed multa illorum passionibus tribuas.*

Hæc ego legens acquiescere neutiquam potui: cùm ea mihi prorsus à tanto Pontifice aliena viderentur: quapropter Vaticanam Bibliothecam adiui,

adiui, genuinum ipsius Pontificis exemplar inter Codices M S. diligentissimè inquisiturus. Verùm licèt nonnullos Codices eiusdem Pij II. Epistolas continentes inuenerim, illum, quo mihi opus erat, haud vsquam reperi. Hinc ad impressos Codices inquirendos animum vertens, duas tunc inueni eiusdem Codicis impressiones, ambas Basileæ.

Priorem quidem An. 1551. Secundam verò An. 1571. quarum temporis intercapedo est tantummodo 20. Annorum. In prima Epistola iuxta germanum sensum, legitur *DetraCTORibus*, in Secunda verò *DoCTORibus*, vt Launoius expressit. Memor autem ego querimonie Sanctissimi Pontificis Leonis Magni in Epistola quam scripsit ad Martianum Augustum in Ordine 104. apud Quésnel vbi sic: *Quia verò quorundam Hæreticorum versuta nequitia ad conturbandam aliorum simplicitatem, Epistolam meam, quam ad beatæ memoriæ Flavianum dedi, falsâsse perbibetur, vt commutatis quibusdam literis vel syllabis receptorem me Nestoriani erroris assereret.*

Propterea huiusmodi vocis correctioni, seu potius immutationi causam dedisse Lutheranam hæresim putavi. Nam quando ipsa adhuc in cunis vagiebat, intemerata, genuinaque Codicis M S. verba Typus fidelis edidit, adultâ verò confirmatâque iam Hæresi, eius AffecLæ, Propugnatoresque, Codices

alterando, modum excogitârunt, quo veritatis lucem obtegerent, & plurimum Sedis Apostolicæ Ministrorumque eius integritati, ac fidei derogarent: deinde ijs animaduersionibus non contentus, è celebri Bibliotheca Eminentissimi Cardinalis Casanatæ quintam eiusdem Launoij Epistolarum partem vix expetitam accepi, cùm idem Eminentissimus Viris, qui studia sectantur, indulgentissimus sit, vt ipse sæpè aliàs expertus sum, proptereaque, quod Eminentix suæ debere me fateor, plurimum est. In capite igitur XVI. Epistolæ ad Thomam Fortium pag. 122. Launius repellere conatur animaduersionem, quam fecit Fr. Vincentius Baro Ordinis Prædicatorum in hac calumnia sæpè citatæ Epistolæ contra Sedem Apostolicam, eidemque Baroni ita respondit. (Ne mirè-
re hic Lector, si Baronianam Apologiam adeo prolixam refero, id enim pro illius examine requiritur, & forsitan in tui maiorem commoditatem tendit, quia Launoij Epistolæ non tam de-
facili per omnium manus circumferuntur) Baro igitur, inquit Launius, calumniam hanc impingit mihi duobus in locis, & primùm quidem, in eodem Paragrapho VIII. Tacere non possum, quod eiusdem Epistola habet plagium Epistolæ Pij II. ad Carolum VII. Regem Gallix, qua sic cum monet: *Vnum à te petimus Cbarissime Fili,*

vt

ut Detraкторibus Sedis Apostolicæ semper non credas, multa illorum passionibus tribuas. At Launojus ex crassa inscitia, vel ex cæca ad detrahendum libidine locum corrumpit, & interpolauit, voci *Detraкторum*, suffecto *Doctorum* vocabulo. Deinde in §. XI. Dico me non mirari Epistolæ VII. pagina 23. interpolata Pij II. ad Carolum VII. Epistolæ verba, & loco *Detraкторum* Sedis Apostolicæ, ut mens Auctoris, & genuina lectio habet, ab Aduersario suffectum. *ad Doctoribus* Vocabulum.

Hæc autem geminata calumnia diluitur ex Pij II. Operibus, quæ Basileæ prodierunt apud Henricum Petrum An. MDCLXXI. In huius enim editionibus Epistola CCCLXXIV. ad Carolum VII. Regem Galliæ, verba sunt ipsamet, quæ sine corruptione, & interpolatione vlla laudavi: *Vnum à te petimus Charissime Fili, ut Doctoribus Sedis Apostolicæ semper non credas, multa illorum passionibus tribuas.* Tunc editionem hanc, quæ ex officina Henrici Petrini prodierat, conferre non curavi cum editionibus primis, in quibus legitur *Detraкторibus*, non *Doctoribus*. Et primum quidem me ab hoc labore deterruit inscriptio hæc: *Aeneæ Syluij, seu Pij II. opera, quæ extant, omnia, nunc demum post corruptissimas editiones, summâ diligentia castigata, & in unum corpus redacta.* Accedit Marci Hopperi præfatio, quæ inscrip-

ptioni fidem acit certissimam: enumeratis enim singillatim Pij Libris subiicitur: *Hi ergò libri sunt, ex quibus volumen hoc compositum est, digni omnes qui in manus Studiosorum veniant: In quibus conquirendis, ut bonoris ergò eos nominem, suam quoquè operam nobis præstitère eximij Viri D. Bonifacius Amorbachius Iuris utriusque Doctor, Urbis nostræ Syndicus, & Academiæ tum temporis M. Rector, D. Ioannes Spyraetes Iuris utriusque Licentiatus, Ordinarius apud nos legum professor, affinis noster Charissimus, nec non D. Conradus Lycosthenes Rubeaquensis liberalium Artium Magister, qui sententias quoque, quarum hìc Auctor refertissimus est, à se inter legendum obseruatas, ut fuit Vir diligentissimus, ac verè studiosus, nobis communicauit: quarum farraginem adiectam hìc vides:*

Ex his autem omnibus luculenter apparet operum Pij II. editionem, quâ vsus sum, cæterarum omnium quæ præcesserant, emendatissimam esse. Vnius instar sunt editiones cæteræ, quæ præcesserant. Non omnes sunt similes primæ, nec vlla in ijs interuenit correctio, ut mutua omnium demonstrat contentio, & sic de numero priorum editionum ius supra Henrici-Petrinam editionem nullum acquiritur. Itaque Henrici-Petrina editio primæ anteponitur, quia prima incorrecta est, postrema, quæ est Henrici-Petrina, correctior.

Dein-

Deinde si Henrici-Petrinam editionem contulifsem cum prioribus, quæ corruptissimæ sunt, fecissem imprudentius, si editiones primas Henrici-Petrinæ prætulissem. Quis vnquam vidit sapientes atque eruditos homines, qui correctiorem libri alicuius editionem inconsideratè neglexerint, vt incorrectam sequerentur? Hic est scopulus, in quem falsi nominis Criticorum iurgia & contentiones impingunt, & ita pereunt, vt sæuitiæ vestigium relinquant nullum.

Caterum operæ pretium est hîc animaduvertere, quid Vir Literatissimus & acerrimi Iudicij de primis librorum editionibus scripsit in opere, quod inscribitur: *Marini Statilei responsio ad dissertationes de Traguriensi Petronij fragmento*: Enimuero si ista obiectio valet, vix vllum erit vetusti auctoris scriptum, quod non imposturæ suspectum esse debeat. Cuius enim Scriptoris non primæ editiones mendis propè infinitis scatent? Varronis fragmentum de Lingua Latina, prout est editum ab Antonio Augustino, consideret, & pudebit cum suæ illius obiectiois. Multò enim plura ibi verborum portenta reperiet, quàm in hoc Petronij fragmento. Quid alia referam veterum Auctorum monumenta, Plauti, Catulli, Propertij, Plinij, quàm fœdis vbique maculis contaminata essent, prius quàm in doctorum hominum manus venirent?

Tum

Tum demum rei in Epistola tractatæ series Henrici-Petrinæ editionis lectionem exigere probabilius videtur. Referenda est Epistola, quò Lectionis bonitas attendatur facilius.

Pius Episcopus Seruus Seruorum Dei, Charissimo in Christo Filio Carolo Regi Franciæ Illustri salutem, & Apostolicam benedictionem. Quæ ad Nos de conditionibus Tornacensis Ciuitatis tua Serenitas scripsit, non diffitemur ita esse, vt scribis. Abundans enim multitudo populi est in Regni tui confinibus, & quæ mansit in tua & progenitorum omnium sæculis multis, præbetque tibi opportunitate loci commoda permulta, & magna. Quod verò adiungis, Ecclesiam ipsam promissam tibi in personam Cardinalis Constantiensis fuisse, in eo vel tua Maiestas informata verè non erat, vel qui de ea Nos compellârunt, responsa nostra interpretati benè non sunt. Viuentium beneficia cuiquam promittere mos noster non est, nec fuisse in hunc diem adiutore Deo meminimus. Recordamur Oratoribus dixisse, cum vacare illam contingeret, rem facturos, de qua contentari merito posses. Datturos autem, cui velles illam Ecclesiam, nec diximus vnquam, nec cogitauimus. Adueniente tamen obitu translati Episcopi, facere Maiestati tuæ rem gratam in animo gessimus. Per obitum non vacauit, Senex Grandæuus incommo-
da

da multa perferre in ea Ciuitate non valens, precatus est illuc robustiorem transferri. Fuit iusta & pia eius petitio. Raræ vel nullæ Supplicationes huiusmodi à Sede Apostolica solent repelli. Si doles hominem Duci Burgundiæ subditum illuc esse præpositum, minor culpa hæc nostra est; quàm fuerit prædecessorum nostrorum, qui plures Burgundos illic statuerunt. Nos rem nouam non fecimus, veterem, & vsitatam sumus secuti. Hoc quoque ad transferendum Tullensem prouiores nos facit, quod sicut Serenitas tua intelligit, Tornacensis Diœcesis sub Dominatu est Burgundorum, nec putamus videri inconueniens posse, si ex Dominio illo daretur Episcopus, infra cuius Limites maior est & amplior iurisdictionis illius pars. Nam quod tua Serenitas queritur; & his & alijs rebus secernere commoda Regni tui & Con sanguineorum tuorum, nobis parum cordi esse, in hoc credimus euenire tibi, quod nobis. Vt enim tu complacere tibi à nobis sæpè non putas: sic nos sæpè exaudiri à te vota nostra non cernimus. Non tamen propterea de tua in nos voluntate finistrum aliquid credimus, cogitamus semper causas tibi aliquas esse, propter quas non fortasse posses, quæ volumus. Accusamus necessitatem, mente & animo æquissimi sumus. Par officium à te requirimus Charissime Fili, nec vellemus quoties

B

tibi

tibi obtemperatum non est, toties de animo nostro iudicium faceres. Meminimus in gratiam tuam multa fecisse, honore tuo multa multis dedisse. Si semper non dedimus, non semper esse Apostolica Sedes potest ut vult. Multa illam circumspicere oportet, multa metiri: Ita semper actiones suas dirigere, ut reddere illarum rationem Deo & hominibus possit. Postremò quod nobis denuncias, te permissurum non esse, ut idem Tullensis Tornacensi Ecclesiæ præsit, nihil in hoc aliud respondemus; nisi Maiestatem tuam sanè intelligere quod Regem Catholicum deceat, & nos constanter sperare te, si factum nostrum diligentius considerare volueris, nihil dissimile à claris progenitoribus tuis esse facturum, quos non minus veneratio in Ecclesiam Dei, & obedientia in Sanctam Sedem Apostolicam, quam cætera gloriosa facta, illustrarunt. Ipsam autem translationem, cum facta solemniter sic, mutare sinè reprehensione non possumus. *Vnum à te petimus Charissime Fili, ut Doctoribus Sedis Apostolicæ semper non credas, multa illorum passionibus tribuas:* Pro certo habeas nos Serenitatem tuam amare, illi cum possimus, obsequi cupere, nec prætermitturos vnquam occasionem aliquam esse in qua tuæ Bonitati placere cum Deo possemus. Quod si in aliquo præiudicatum tuis Iuribus putas, parati sumus tuæ Celsitudi-

tudini iustitiam cum omni benignitate administrare. Datum Romæ IX. Decembris. Anno LX. Pontificatus nostri anno tertio.

Cogitanti sæpè, & Pontificiæ Epistolæ, quæ responderetur Regi, contestum perpendenti, facile venit in mentem, *Doctores*, qui tunc Sedis Apostolicæ consultationibus intererant, Cardinali Constantiensi potius, quàm Tullensi Episcopo fauisse. Duplex poterat esse causa: Primum, quòd Constantiensis Cardinalis ad Sedem pertinebat Apostolicam; Tullensis Episcopus non pertinebat; & ob id Cardinalis gratificatione visus dignior, quàm Episcopus; Deinde quòd Rex Carolus præseferbat promissum id sibi esse, quod Pius solerti quadam scribendi ratione promissum esse diffitetur. Exinde Sedis Apostolicæ Doctores, ut Cardinali res ex animo succederet, & Pontificis voluntas inclinaretur, & à proposito retraheretur, Regem vel monuerant, vel monendum esse censuerant eum posse meritò impedire, quominus Tullensis Episcopus, si Tornacensem in Ecclesiam transferretur, Dominio suo frueretur. Pontifex consilium hoc Regis postquam studuit verbis removere blandioribus, & rationum momentis plausibilioribus, in illorum complementum adijcit: *Vnum à te petimus Charissime Fili, ut Doctoribus Sedis Apostolicæ semper non credas, multa illorum*

passionibus tribuas. Quia scilicet Sedis Apostolicæ Doctores, qui rem planè nouerant, à partibus Regis Caroli & Constantiensis Cardinalis steterant, non à partibus Tullensis. Optabat contra Pius, ut illis fides non haberetur. sed quidquid egerant in hoc negotio, humanis affectibus tribueretur: atque ita hac in re locus nullus dandus est priori Lectioni huic: *Vnum à te petimus Charissimè Fili, ut Detractoribus Sedis Apostolicæ semper non credas, multa illorum passionibus tribuas.* Quo circa lectio hæc prior probè correctæ est in editione quæ Basileæ anno MDLXXI. ex Officina Henrici-Petrina prodijt.

Deinde, quis sciens, & prudens Pontifici sententiosum & argutum dicendi, & scribendi genus sortito, propositionem tribueret, quæ sensum incongruentem importat? nempe *Detractoribus* aliquando credi posse, si *Detractoribus* semper non credatur: posse quoque *Detractorum* passionibus nihil tribui, si multa tantum, & non omnia *Detractorum* passionibus tribuantur. Spissi & non necessarij laboris foret ad formales argutias confugere, ut inculta & absurda per sese Pio vindicetur propositio. Hæc obseruatio apud cordatos & literatè peritos homines, lectionis prioris correctionem exigeret, tametsi Viri graues & docti, à quibus Henrici-Petrina curata est editio, manuscripta non

non consulissent exemplaria, quæ illos consuluisse par est credere.

Tum quid profuisset mihi Epistolam Pij corrumpere vel interpolare: nimirum id mali genus committere, quod ab omnibus facile deprehenderetur, & me culpæ, quam & summopere, & semper odi, reum ageret, & in certissimam sublestæ fidei vituperationem adduceret? Taceo illud & cum literis nonnihil habente commercij prorsus indignum esse. Sed Frater Baro impingendæ mihi quomodocunque calumniæ auidus, & qui cum ipso conspirarunt, huc animum aduertere, vel noluerunt, vel, quæ mentis cæcitas, festinatio, vehementia, & immaturitas fuit, non quieverunt.

Denique gratuitò sibi persuadebit nemo, noluisse Pontificem id de Sedis Apostolicæ *Doctoribus* scribere, quod ab eo incastigatori operum lectione legitur. Cur non scripsisset, si verè scribi potuit? fortasse, inquires, maiorem *Doctorum* illorum curam habuit, quàm vt aliquid tale de illis scriberet? An maiorem quæso te famæ *Doctorum* Sedis Apostolicæ curam habuit, quam Sacri Collegij? parvipendebat Collegium & illud parui pendisse Iacobus Card. Papiensis testatur in Epistola CLXXXI. ad Paulum II. Nobis verò, ait, quem esse animum credis; videntibus nostræ dignitati illu-

illudi : Hocce erat, quod repromittebas de te, quum Pontificatum quærebas, quum te insinuabas nobis, quum dolebas Nicolaum, Callistum, Pium parupendisse Collegium nostrum.

His ita constitutis primùm Frater Baro indementioris manus & styli Vir, perspecta, atque explorata calumniæ conuincitur, quum scribit me Pij II. Epistolam corrupisse, & interpolasse, atque vocem *Doctoribus*, in locum *DetraCTORIBUS* suffecisse. Hoc autem cum ita sit, duabus Baronis Philippicis quid fiet? Philippicæ nostræ, (inquiet Frater, sempiterni odij prouidus) nisi remanere potuerint ad vulnus aduersarij, remanebunt ad cicatricem, non valebunt quidem ad asserendam veritatem, sed valebunt ad corroborandam infamiæ notam, quæ inuretur aduersario, & illius scriptis fidem detrahet.

Deinde eiusdem criminis sunt rei homines illi, à quibus accepisse se dicit, quod hac de re scripsit, nisi fortasse scribendo quod scripsit, alijs imponat & mentitus sit: Negotium est, quod inter Baronem & Auctores, seu Relatores suos transigi debet.

Tum relatio quæ fictis fabulis adscribenda est, calumniarum & mendaciorum Baronis numerum auget.

Præterea Baro ex affectata vel malitia, vel ignoran-

rantia calumniari me semel atque iterum voluit, cum in quibusdam meis Epistolis, & maxime tã, quam ad Thomam Rullandum Parisiensem Theologum, mensibus abhinc quindecim exaravi: Laudatis tribus Pij II. Epistolis subiunxi: Hęc ex Basileensi editione anni MDLXXI. quam vt correctiorem & hic sequor, & in alijs meis Epistolis secutus sum. Tertullianus in Libri de velandis Virginitibus Cap. I. ceterum suo vitio quis quid ignorat? fuit tam requirendum, quam recipiendum. quod ignoscitur.

Denique vt mea in citandis Auctoribus liberetur fides, per Summam Dei gratiam, non indigeo Baronis loco communi, quem tamen supra Cap. X. in bono lumine collocaui. Hęc Launoius.

Integram eiusdem Apologiam referre duxi, vt ex illius lectione facilius appareat, quàm plena sit Sophismatibus, quę ipsi mox monstrabimus. Pro basi igitur ac stabili fundamento eorum, quę hac de re sumus dicturi, vltra supra relatas duas Basileenses editiones. Vnam de anno 1551. & alteram de anno 1571. alias duas proferimus, vnam Norimbergensem de anno 1496. impensis Antonij Koberger, quam in meo Librorum cimelio asseruo: alteram Lugduni per Ioannem Molin., aliàs de Cambray de anno 1518. quę custoditur in Bibliotheca Angelica, vulgò dictã Sancti Augusti-

gustini, in quibus omnibus expressè legitur vox *Detraкторibus*. Quare ex his tribus impressionibus clarè euincitur contra Launoium exemplar anni 1571. ab Hæreticis corruptum fuisse, vt infra ostendemus. Modò verò ad examen, siue trutinam Launoianæ Apologiæ properemus.

Primò igitur Launoius pro sua tuenda sententia demonstrat præfatam editionem in officina Henrici-Petrina quibusvis prioribus anteposendam esse, utpote correctiorem, cum ex præfatione Marci Hopperi deducatur tres insignes Viros in illius editione correctioni operam dedisse: atque ad eò hâc ille tanquam omnium emendatissimâ vsus fuit.

At hanc Launoij assertionem parum valido argumento inniti, clarissimè apparet. Quoniam Correctores possunt quidem sphalmata, erroresque corrigere, qui solent in qualibet impressione obrepere, literas nempe, quæ verba vitiant, restituere: non possunt tamen propriâ Auctoritate ipsas voces mutare, ita vt alia omninò diuersa significatio reddatur; quod huic Epistolæ accidit, cum in ea loco *Detraкторibus* hi tam à Launoio laudati Correctores *Doçtoribus* apposuerint. Quæ inter verba quàm graue discrimen sit, quantum inuicem pugnent, quis est, qui non videat?

Porrò si in hac voce *Detraкторibus* quid erratum prætendebatur, erat quidem ad MM SS. Codices,

dices, vel ad sensum totius Epistolæ recurrendum; quod autem in huiusmodi correctione MM SS. Codicibus Correctores vñ fuerint, nusquam apparet: neque ij Epistolæ sensui animum applicuerunt, sed illam solummodo corrumpendi modum indagare.

Ne verò id nos temerè suspicari, ac falsò asserere aliquibus videamur, satis fore actum arbitror, si, qui fuerint hi Correctores, in medium proferam. Ab vno igitur, qui inter nos vltimus est, discite omnes. Porro iste Conradus Rubeaquensis est, qui & *Lycorhenes* in Græca allusione dici se voluit, Theobaldi Vstolfardi, Ruberti Sutoris filius nñ tamen fallor. Hic talis tantusque Apostolicæ Sedis hostis fuit, vt eius opera in primis damnata sint, atque ipse inter Auctores prohibitos primæ classis reiectus. Quare iudicio meo, multum ad dubitandum non est, an isti Codices deprauare potuerit, in his præcipuè, quæ Apostolicam Sedem respiciunt. Id verò vtique Launojus ipse cognòssset, tantisque in huiuscemodi hominibus efferendis laudum præconijs temperàssset, si vti nomine, ita re ipsâ Catholicus extitissset. Ita etiam si de irrepto errore, & anterioribus editionibus fuisset aliquid suspicatus, facillimum ei fuerat ad Bibliothecam Regiam recurrere, in qua exemplar Epistolæ forsitan inuenissset, vel ad ipsum Archi-

num Regium, in quo adhuc hodie Epistolæ prototypum asseruari credibile est.

Postquam verò Launoius prædictæ Epistolæ tenorem retulit, sibi in mentem venisse subdit, Doctores in ea expressos illos fuisse, qui consultationibus Sedis Apostolicæ tunc intererant, ideoque Cardinali Constantiensi potius, quàm Tullensi Episcopo fauisse. Idque duplici ex causa: Primò, quòd Cardinalis Constantiensis ad Sedem Apostolicam pertinebat, atque ideo Cardinalis gratificatione visus dignior, quàm Episcopus.

Secundò, quòd Rex Carolus id sibi promissum fuisse assererat, quod à Pio Pontifice negabatur. Quapropter Doctores Apostolicæ Sedis in Regem propensi, ipsum monuerant, docuerantque lure optimo Tullensem Episcopum ad Tornacensem Ecclesiam, ut transferretur, ab ipso impediri, quominus Dominio sui Episcopatus frueretur. Propterea Pontificem scripsisse ait: *Vnum à te petimus Charissime Fili, ut Doctoribus Sedis Apostolicæ semper non credas, multa illorum passionibus tribuas.* Quibus idem Launoius subdit: *Optabat Pius, ut eisdem Doctoribus, qui rem planè nouerant, & à partibus Regis Caroli, & Constantiensis Cardinalis steterant, fides non haberetur, sed quidquid egerant in hoc negotio humanis affectibus tribueretur.* Et hanc esse genuinam lectionem contendit,

dit. Hoc autem argumentum, seu potius sophisma, quàm à veritate dissonum sit, ex alia eiusdem Pij ad ipsum Carolum Epistola, quæ in ordine, est 389. manifestum est. Quâ quidem Epistolâ liquidò euincitur neutiquam credendum esse Pium Pontificem, dum scripsit *DetraCTORIBUS*, de suis intelligere voluisse, sed de Consiliarijs Regijs, qui prauis suasionibus consilijsque apud ipsum Regem, Pontificem, & Sedem Apostolicam calumniabantur, ibi enim sic legitur: Neque sanè vnquam in animo Nostro fuit quicquam agere quod tibi aut incommodum esset aut molestum: sed aliter tibi persuasum est, vt scripta tua ostendunt, tam nobis, quam Sacro Collegio nostro directâ. Ignoscat his Diuina Bonitas qui talia suggerunt quorum magnum est peccatum: Summa iniquitas: mala mens: malus animus. Illorum est qui tuam Excellentiam aduersus nos irritare, aut commouere nituntur: similes illis sunt, qui filium tuum à te alienauerunt. Illi enim Carnalem Patri filium abstulerunt: hi nobis Spiritualem auferre nituntur, sed minimè obtinebunt, si tuam constantiam & moderationem retinebis: & nostris vocibus auscultabis, quæ non tam nostræ sunt, quàm Dei, & Filij eius Christi, cuius Vicariatum non nostris meritis, sed suâ dispositione in terris gerimus.

Sanè in hac Epistola expresse Regis Consiliarij
C 2 digno-

dignoscuntur per illa verba : *Ignoscat ijs Diuina*
Bonitas, qui talia suggerunt . Et infra : Malus ani-
mus illorum est, qui tuam Excellentiam aduersus
nos irritare, aut commouere nituntur . Quum enim
 de proprijs Consiliarijs Pius intelligit, longè di-
 uersa de ijs loquitur, vt passim videre est, præ-
 fertim verò vbi ait : Deinde cùm Viterbi essemus :
 antequam translationes prædictæ effectum sortitæ
 fuissent : nunciatus est nobis obitus Episcopi Tor-
 nacensis, commisimus causam, vt fit, vni Cardina-
 li : & facta est relatio in Consistorio, liberè, & gra-
 uiter omnes fratres nostri sententias suas dixère :
 placuit omnibus Tullensem Episcopum ad Ecclesiam
 sic vacantem transferri : nihil sinè consilio & ma-
 tura deliberatione fratrum egimus : omnia eis ape-
 ruimus : quæ vel tui, vel alij Oratores in hac cau-
 sa exposuerant, quanquam per sese cuncta nossent :
 fecimus hanc translationem suadentibus fratribus,
 quorum aliqui affirmauerunt Tullensem olim Epi-
 scopum tuæ Serenitati & fidelem & acceptum es-
 se, ac per eius medium tibi vt Duci Burgundiæ
 complacitum iri . Cùmque Pater ille antiquus qui
 multis annis cum laude Tornacensi administraret
 Ecclesiæ : in extremis vitæ sponsæ suæ de hac per-
 sona prouidendum esse censeret : non videbatur eius
 vel votum vel Consilium spernendum : Fecimus
 ergo hanc prouisionem : nec vidimus, aut Fratres
 no-

nostri viderunt pensatâ loci & temporum qualitate, vtilius posse prouideri: quod si hæc tuæ Serenitati non placent: non est tamen quòd ea in tuam contumeliam facta esse dijudices: cum nos te amemus, & honoratum semper esse velimus.

Quibus è verbis duo hæc apertissimè eliciuntur: Primò Pium Pontificem nihil vsquam sine consilio, & matura deliberatione fratrum egisse; Secundò Papam suos Consiliarios, non quidem Doctores, vt vult Launoius, sed fratres appellare, idque ideo, quia S. R. E. Cardinales sunt, & antiquissima, imò perpetua praxis sic tenuit, & adhuc tenet.

Si quis autem pro Launoio contenderet Pontificem in huius rei consultatione non Cardinales tantummodo, sed etiam Doctores adhibuisse; respondeo, nè minimam quidem de istis in prædicta Epistola 389. mentionem haberi, vt infra clariùs innotescet, quum ipsius Epistolæ tenorem integrum afferemus.

Præterea idem Launoius solitis sophismatibus sic, vt supra etiam innuimus, arguit.

Deinde quis sciens & prudens Pontifici sententiosum, & argutum dicendi & scribendi genus sortito propositionem tribueret, quæ sensum incongruentem importat? nempe Detractoribus aliquando credi posse, si Detractoribus semper non credatur:

datur : posse quoque Detraкторum passionibus nihil tribui, si multa tantum, & non omnia Detraкторum passionibus tribuantur : spisi & non necessarij laboris foret, ad formales argutias confugere, vt inculta, & absurda per sese Pio vindicetur propositio. Hæc observatio apud cordatos & literatè peritos homines lectionis prioris correctionem exigeret, tametsi Viri graues, à quibus Henrici-Petrina curata est editio, manuscripta non consulissent exemplaria, quæ illos consuluisse par est credere. Tota vis argumenti est in vocibus *semper non credas*, & *multa illorum passionibus tribuas*. Verùm & hic germanum Epistolæ sensum more solito detorquere conatur. Nam omni dubitatione remotâ sensus est, quod Detraкторibus Sedis Apostolicæ semper non est credendum, quasi diceretur *unquam* non esse credendum. Exemplo sit, quod Caius, Titio sciscitanti, an in aliquo casu aliqua res credenda esset? Respondit, quod semper, videlicet in omnibus casibus, id non credat. De voce autem *multa*, sic respondeo : Cùm Detraкторes, vt plurimùm veritatem mendacijs immisceant, vt ipsa mendacia faciliùs persuadeant, quæ sic veritati coniuncta, aut nullo modo ab eadem, distingui, atque discerni, aut difficillimè possunt; Ideo Pius Pontifex dicit *multa* eorum passionibus esse tribuenda, non quidem omnia, quia omnia non

non sunt mendacia, sed ipsa mendacia, quæ cum veritate commixta sunt. Posset etiam pro allatorum responsione addi, quod ipsemet Pontifex has dictabat Epistolas, quare nil mirum, si quandoque mens eius negotiorum mole grauata, non poterat adeò exactè omnia verba, vocesque in trutinam reuocare, earumque sensus, ac proprietates expendere.

Demùm pro coronide suorum lemmatum Launoius inquit: cur Pius Doctores Cardinalibus anteposuerit? huic autem à se motæ quæstioni confidenter respondet: Pontificem paruipendisse Collegium, pro qua responsione firmanda allegat Epistolam 181. Iacobi Cardinalis Papiensis ad Paulum II. vbi hæc habentur: *Nobis verò quem esse animum credis? videntibus nostræ dignitati illudi, & vim simul asferri? Hoccine erat, quod repromittebas de te? Quum Pontificatum quærebas, cum te insinuabas nobis, cum dolebas Nicolaum, Callistum, & Pium paruipendisse collegium nostrum?*

Huic tamen Launoianæ allegationi sic responderem: Dato, & non concessò quod Nicolaus, Callistus, & Pius Collegium paruipendissent, querela ista, ni fallor, in hoc versabatur, quod ipsi Pontifices omissis Cardinalium votis, & Consilijs omnia omnino ex mera voluntate, & arbitrio gerebant: Hoc tamen casui iam relato Episcopi Tul-

len-

lenſis ad Eccleſiam Tornacenſis tranſlati applicari minimè poteſt, cùm in præcitata Epistoſa 389. expreſſè Pontifex dicat ſe nihil ea de re ſinè conſilio & matura deliberatione fratrum egiſſe, omnia eis aperuiſſe, & eorundem ſententias exquiſuiſſe: quod ſi ita ſe habuit, vtique aliorum Doctõrum conſilia non adhibuit, eorum enim mentio certifiſimè in Epistoſa facta fuiſſet. Non quidem nego quandoque Romanos Pontifices in rebus arduis Catholicæ Eccleſiæ conſilijs Doctõrum vſos fuiſſe; at quando eiſdem conſilijs vſi fuere, iam antea Cardinalium ſententias exquiſierant, atque adeo Doctõres his caſibus non niſi Cardinalibus adiuncti ſunt. Quod ſi in grauioribus Sedis Apoſtolicæ cauſis eorundem tantummodo Doctõrum opera requiratur, hoc in præſenti caſu non vrget, cùm hæc ſimplex tranſlatio ſit, nec fidei dogma reſpiciat, ſed tantum politiã ſtatũs; Atque ita fert Romanorum Pontificum praxis, quam ab antiquo deductã in dies continuari per multorum annorum ſpatium iam vidi.

Satis igitur ſuperque Launoi ſophiſmatibus reſponſum exiſtimo. Clariffimè etiam probando verſutiam ſiue artem Hæreticorum in deprauandis Codicibus, cùm inter primã, ac ſecundã impreſſionem Baſileenſem non interuenerint niſi viginti anni: & ſic primæ adhuc inter homines memo-
ria

ria vigebat . Quare in secunda corrigenda , correctionis ipsius causam allegare necesse erat , nempe collationem factam cum originali , vel cum Codice manuscripto , aut alio antecederet correctiùs impresso , sed huiusmodi correctionis causa nulla reperitur , ideo utpote arbitraria , & in odium Sedis Apostolicæ facta reiicienda est , cùm pro genuino Epistolæ sensu non solum militet prima Basileensis impressio , verùm etiam duæ antecedentes superiùs relatæ diuersis temporibus ac locis factæ , nempe , ut diximus , Lugdunensis de anno 1518. & Norimbergensis de anno 1496. Ac addi posse videtur , quod cùm ars impressoria iam in sua pueritia , ut ita dicam , esset , cuicumque libros imprimendi facultas erat , eò magis , quò magis liberæ sunt Ciuitates , utpote Norimbergensis , & Basileensis , ac idem de Lugdunensi quò ad impressionem , illo maximè æuo , dici potest .

Concludimus igitur de similibus hominibus dicendum esse , quod dicit quidam Clarissimus Vir in Literis (vtinam etiam fuisset in Religione) de illis qui nimiam licentiâ abutuntur , videlicet : *Ita fit quoties semel effractis repagulis , sese in licentiæ campum effudit hominum temeritas , nullum facit insaniendi finem , donec omnia secum inuoluat exitio .*

Vt autem cuicumque sub oculos & in aperto eo-

D

rum ,

rum, quæ diximus, veritas sit, en supra pronissus Epistolæ 389. tenor, quæ licet longissima sit, nihilominus integram præcipuè referimus, vt inde faciliùs arguatur quænam ex his vocibus *Doctoribus* vel *DetraCTORibus* Epistolæ ipsius contextui magis congruat.

Pius Episcopus Seruus Seruorum Dei. Charissimo in Christo Filio, Carolo Regi Franciæ Illustri, Salutem & Apostolicam benedictionem. Nisi tuâ signata manu, & tuo fuisset impressa sigillo: nunquam tuam putauissemus Epistolam, quam tuo nomine Michaël Secretarius tuus nouissimè ad nos detulit. Multa enim continet, quæ à tua prudentia, & tuo scribendi more videntur aliena. Sed neque Portitor, neque Signum, neque subscriptio patitur, vt tuas literas esse dubitemus, quæ tanquam abs te missæ redditæ sunt: eas ob res cogimur respondere, & nostram excusare innocentiam. Neque enim nos sumus, qui vel tuam Serenitatem, vel alium quempiam odio persequamur, aut odij causâ quicquam agamus. Nos quidem tuam mansuetudinem semper amauimus: semper magnificauimus: semper obseruauimus, tum propter maiorum tuorum gloriam, & magnifica gesta, tum, propter modestiam & Religionem, quas in te sitas didicimus. Neque sanè vnquam in animo nostro fuit quicquam agere, quod tibi aut incommodum esset,

esset, aut molestum: sed aliter tibi persuasum est, ut scripta tua ostendunt, tam nobis, quam Sacro Collegio nostro directa. Ignoscat his Diuina Bonitas, qui talia suggerunt, quorum magnum est peccatum: summa iniquitas: mala mens: malus animus. Illorum est, qui tuam Excellentiam aduersus nos irritare, aut commouere nituntur: similes illis sunt, qui filium tuum à te alienauerunt: Illi enim carnalem Patri filium abstulerunt: hi nobis Spiritualem auferre nituntur, sed minimè obtinebunt, si tuam constantiam & moderationem retinebis: & nostris vocibus auscultabis, quæ non tam nostræ sunt, quam Dei, & Filij eius Christi, cuius Vicariatum non nostris meritis, sed sua dispensatione in terris gerimus. Audi ergo nos Fili & in charitate accipe, quæ ad tua scripta respondemus. Scribis de Tornacensi Ecclesia, ad quam translatum esse Tullensem Episcopum haud æquo animo fers, putasque tibi iniuriam factam, quòd preces tuas non exaudiuerimus, quas pro Cardinali Constantiæ ad nos porrexisti: & plurimæ subiungis, quæ paulò post capitulatim attingemus: sed prius quàm hoc agimus rem gestam accipe: sed enim & tua, & nostra causa melius cognoscetur. Fuerunt Oratores tui vel bis, vel ter prius quàm vacaret Ecclesia Tornacensis, dixeruntque nostrum Antecessorem Ecclesiam ipsam dispositioni suæ refer-

uâsse. Vt contingente vacatione illi prouideret de persona tibi accepta: petieruntque, vt nos idem efficeremus: cùm tuæ solennitatis plurimum interesset in ea Ciuitate, quæ tua esset, Episcopum, præsidere tuæ Maiestati fidum & acceptum. Idem egere nobiscum Ducis Burgundiæ Legati, non semel, sed iterum, atque iterum dicentes: Diœcesim Tornacensem ferè totam, & reddituum maximam partem in potestate ipsius Ducis consistere, ad quem magnopere pertineret Episcopum Tornacensem eum creari, qui sibi amicus & charus esset propter magnas & opulentas Flandriæ Ciuitates vicinas Anglis: in quibus statûs sui robur continetur: adijcientes retroactis temporibus maximè à LXX. annis citrà nunquam in ea Ecclesia præfuisse, qui non ex charis Ducis Burgundiæ fuisset, & quod vnus alter promotus ab Eugenio tandem translatus extitit ad Ecclesiam Narbonensem, cùm pace illic potiri non possiet. Intelleximus rem vtcunque arduam atque perplexam, nec vel tuis, vel Ducis Oratoribus quicquam certi promissimus: Sed negantes nostri moris esse, pro aliquo nominatim Ecclesiam Cathedralem reseruare; respondimus, contingente vacatione nos Ecclesiæ illi ita prouisuros, vt nulli causa quærelæ meritò esse debeat. Cùmque tui Oratores pro Constantiensi Cardinali reseruari Ecclesiam peterent, Burgundi verò pro Episcopo

scopo Traiectensi, diximus apertè nulli duas Ecclesias commissuros prout ipsi efflagitabant. Hæc sunt promissa nostra: hæc acta vobiscum sunt ante vacationem: eratque nostrum desiderium vt nunquam hæc vacatio nostro tempore intercideret, cùm videremus absque turbâ & molestia huic Ecclesiæ prouideri non posse. Verùm nobis Senas ex Mantua reuersis, reddita sunt Authentica scripta & mandata, per quæ Tornacensis, & Tullensis Episcopi ex iustis causis desiderabant inuicem Ecclesias suas designare, & ad alterutra transferri: admisimus nos resignationes, & translationes fecimus de fratrum nostrorum consilio. Deinde cùm Viterbij essemus: antequam translationes prædictæ effectum sortitæ fuissent, nunciatus est nobis obitus Episcopi Turnacensis. Commisimus causam, vt fit, vni Cardinali, & facta est relatio in Consistorio: liberè & grauiter omnes fratres nostri sententias suas dixere: placuit omnibus Tullensem Episcopum ad Ecclesiam sic vacantem transferri: nihil sinè consilio & matura deliberatione, fratrum egimus: omnia eis aperuimus, quæ vel tui, vel alij Oratores in hac causa exposuerant, quamquam per se cuncta nossent: fecimus hanc translationem suadentibus fratribus, quorum aliqui affirmauerunt Tullensem olim Episcopum Tuæ Serenitati, & fidelem, & acceptum esse; ac per eius medium

dium Tibi vt Duci Burgundiæ complacitum iri .
 Cùmque Pater ille antiquus , qui multis annis cum
 laude Tornacensi administraret Ecclesiæ , in ex-
 tremis vitæ , Sponsæ suæ de hac persona prouiden-
 dum esse censeret : non videbatur eius , vel votum ,
 vel consilium spernendum : Fecimus ergo hanc
 prouisionem ; nec vidimus , aut fratres nostri vide-
 runt pensatâ loci , & temporum qualitate , vtilius
 posse prouideri . Quòd si hæc tuæ Serenitati non
 placent , non est tamen quòd ea in tuam contu-
 meliam facta esse dijudices : cùm nos te amemus ,
 & honoratum semper esse velimus . Si iam ad par-
 tes tuæ Epistolæ reuertamur , eisque quoad possumus
 satisfaciamus . Dicis in primis te nunquam
 cessaturum , quousque tua deprecatio exaudiatur ;
 non oportebit te diù contendere , si ea petieris , quæ
 cum honestate concedere valeamus . Est enim lu-
 crum nostrum , quum tibi , cæterisque Regibus iu-
 sta petentibus complacemus . Dicis Te loqui de
 re tui Dominij : Iuris cōsulti duplex Dominium
 tradunt , alterum directum , alterum vtile . Ciui-
 tas , vt aiunt , vtroque iure ad te pertinet Diocæsis
 iurisdicção tantum . Nam vtile Ducis est quod mul-
 ti pluris faciunt : nec tua Excellentia Episcopati-
 bus hætenus vim fecit , qui in Ducatu Burgun-
 diæ vacauerunt , quamuis asseras , & verè asseras
 Principatum illum , sicut & Flandriam à tua Co-

rona dependere. Dicis te instare pro Cardinali, pro persona digna, & benemerenti. Nihil contra personam eius dictum est. Laudamus hominem, & quouis honore dignum censemus, cui Cardinalatus insignia, misimus rubrum pileum: quamvis ægrè ferimus, si verum est quod aliqui retulere, eum scilicet in tua Curia non uti Cardinalatus insignibus, quasi non acciperetur cum honore decenti. Quod si ita est: Decet tuam Excellentiam, qui dicit se Cardinales amare, in hac re ita providere, nè dignitas Cardinalatus, in tua Curia minor, vel abiectionior quàm in alijs videatur. Dicis non decere Cardinalem pati repulsam, non patietur, si ea petierit, quæ absque alterius iniuria cum Dei beneplacito concedi possunt. Dicis Ecclesiam fuisse reservatam, & rem hanc à Prædecessore nostro Callisto præconcessam: Quum Callistus obiit omnia eius promissa interierunt; si vixisset in hanc diem tui mos gestus esset, nunc de eo nihil possumus iudicare, sciunt docti reservationes suas ad nostra tempora non extendi. Dicis tuos Oratores impatienter à nobis auditos fuisse, & vacuos remissos. Si Legati nostri ita in tua Curia benignè viderentur, & audirentur, sicut tui in nostra, multò frequentius, quàm faciant Nuncij Nostri ad te accederent. Sed tui quoties volunt diù noctuque nos adeunt, & quæ volunt dicunt. Nostri vix pluribus

bus in mensibus tui copiam habent, nec à tuis Curialibus benignè visuntur, quanquam tua Maiestas in omni audientia modesta est, & perhumana. Nescimus quis ille est, qui se dicat à nobis impatienter auditum. Duo Cardinales ex tua Natione interfuerunt, quando vltimum in hac re Oratorem audiuius, Rothomagensis, & Auinionensis, ipsi testari possunt, quia vsque in finem omnium mansuetudine hominem audiuius, quanquam respondendo aliqua eius verba parùm moderata reprehendimus. Remissimus illum vacuum in petitione tua. Sed plenum in suis. Nam gratias quas à nobis petiuit, cunctas intuitu Serenitatis tuæ concessimus. Libentiùs tuas, quàm suas audiuissemus, sed rei difficultas non patiebatur. Ille cum satisfacere tibi non posset, satisfecit sibi, & immemor acceptæ gratiæ nos criminatus est. Dicis neque Adrianum Caroli Magni, neque Leonem Ottonis ita intercessionem renuisse, vt nos tuas repulimus, & quod nemo consecratur Episcopus nisi laudatus & inuestitus à tuis prædecessoribus. Quid fecissent illi duo Romani Pontifices in hoc casu nescimus. Quid fecimus ipsi scimus, & facti nostri rationem reddere possumus. Carolus & Otto Romani Imperatores fuere, & hoc priuilegium à Romana Sede obtinuerunt, quod refert propter ingentia merita, & quia ita tempora poscebant

bant, & Arianorum aliorumque Hæreticorum factiones, quas Imperatoris malleo conterere oportuit. Sed cum priuilegium vergeret ad noxiam, reuocatum est, & Successores illorum Imperatorum illi renunciauerunt in Conuentu Vormationensi. Nam sicut Ezechias serpentem æneum à Moyse erectum in heremo abstulit, Idque conflauit quoniam Idololatriam inducebat; ita & priuilegia auferenda sunt, quæ propter vtilitatem publicam concessa, inueniuntur esse damnosa. Subiungis, quod neque Callistus, neque Nicolaus, neque alius simile aduersus te agere attentasset eius quod nos fecimus. De mortuis non est nostrum iudicare, quid facturi fuissent in humanis agentes. Nos certe aduersus te nihil ex proposito egimus, nec tibi aduersi sumus, neque acta nostra attentata dici debent, quæ fiunt in Senatu Apostolico, in loco quem Dominus elegit in prima mundi Sede in Beati Petri auditorio, in ipsius Saluatoris Tribunali. Videant, nè ipsi attentatores sint, qui nobis resistunt, & decreta nostra impugnant, & Apostolicis aduersantur mandatis. Dicis præter spem tibi euenisse, quod in re tam honesta aduersantem Romanum Pontificem &c. Vide quid dicas. Si tu id vis quod Papa non putat faciendum, non Romanus Pontifex tibi aduersatur, sed tu ei aduersaris & Patri ac Magistro tuo contradicis, cuius

E

est

est de honestate iudicium longè magis quam tuum .
 Dicis, si tandem ita fiet, vt cœptum est, Te non
 ab re putaturum aduersus te conceptum odium :
 absit à tua bonitate ista hæc cogitatio, quæcunque
 agemus in Iustitiæ trutina suspendemus . Et nos
 non vnquam aut odium aut gratia ex tramite re-
 cto deturbabit . Mitte has suspiciones, neque his
 aures adhibeto, qui pessimum virus tuis auribus
 instillare conantur, velis cuncta pensare, neque
 hominibus suæ rei affectatis, neque etiam tibi ipsi
 credito . Audi Viros Deum timentes, & an liceat
 Tibi iudicare Sedis Apostolicæ iudicia . Planè co-
 gnoscēs & intelliges, nihil Nos in tuam ignomi-
 niam aut molitos esse, aut moliri velle . Adjicis
 tandem bona & digna bono Regi verba . Absit,
 inquis, inter quos decreta Patrum pacem & cha-
 ritatem seruari volunt, scintillam crescere dissidij .
 Idem votum nos facimus, nec nostrâ culpâ inter
 Te Nosque vnquam suborietur dissidium . Faxit Di-
 uina pietas castam tuam & piam mentem delato-
 res eludant, & ne Tibi falsa pro veris ostendant .
 Dicis te obsequētissimum & obedientem Sanctæ
 Sedis Romanæ filium . Hinc petimus nè molestè
 pauca feras Patris verba, audies verba charitatis
 & fidei, neque mouearis, si amaritudinis aliquid
 habent, dulciâ fient, & suauissima si bono corde
 audientur . Dicis te Filium obedientem; parce fi-
 li,

li, si hoc parum pernegamus: Si filius obedientiæ es, cur pragmaticam sanctionem tenes atque defendis. Eugenius te hortatus est, ut illam dimitteres quæ non est secundum Deum. Idem petit Nicolaus. Idem rogauit Callistus, tres Romani Pontifices Sancti ac venerandi Patres monuerunt Nuntii, & Legatis; nunc literis te rogauere, ut pragmaticam relinqueres, magni in Ecclesia dissidij ac mali, tamen nunquam audiuiſti in hac parte vocem Ecclesiæ Romanæ. Vbi ergo tua obedientia, vbi deuotio, vbi religio? Plus Regni tui aliquibus Prælatiſ, quorum ratione fidei auscultasti, loquimur cum fiducia sinè felle, sinè arrogantia, amor in te noster loqui vrget. Deus in terris per filium suum Iesum Christum Crucifixum Apostolicam Sedem erexit, & primum ac Summum Tribunal esse voluit; nulla potestas est; quæ huic æquari possit, hæc de omnibus hominibus ac dignitatibus iudicat, eam solus iudicat Deus. Non est de grege Dominico, qui Romanum Pontificem suum esse Pastorem negat. Audi quid dicat Dominus: Qui non colligit mecum dispergit. Certè cum Christo non colligit qui cum Vicario eius non seminatur. Pragmatica Sanctio, quam tui Subditi obseruant, non est ex Apostolico semine, quippe quæ neque auctoritate Apostolica, neque Consilij Generalis alicuius auctoritate firmata est.

Nam etsi decreta aliquorum Conciliorum in ea inserta sunt, & Pontificum Sanctiones, nihil tamen ita repertum est, ut promulgatum fuit. Sed vel additiones factæ sunt, vel mutilationes, quod Prælati tui Regni facere haud quaquam licuit, & sine damno animarum suarum illis uti non possunt. Tacemus quod multa Laicalibus manibus pragmatica concedit, quæ neque humana, neque Divina Iura permittunt. Patere hoc dici Fili, neque inuitus audias veritatem, tui aliquando antecessores pragmaticam fermè similem ordinauerunt, videntes id sine Sede Apostolica facere non posse, abstinuerunt. Sequere vestigia maiorum tuorum, & dimitte hanc pragmaticam, quam Christianissimi tui Antecessores ignorauerunt, & si quid est quod reformandum sit in Ecclesiastico Regni tui statu, consule Apostolicam Sedem, quæ tuis honestis desiderijs nunquam deerit, atque hoc modo filium te obedientem, & obsequiosissimum appellare verissimè poterimus, simulque tibi consules & Regno. Dicis te nunquam preces porrexisse nobis, nisi honestas; mutantur tempora & neganda reddunt multis ex causis, & multa faciem honesti habent, quæ diligentius inspecta iniustitiam continent. Addis te ad iniuriam recepturum nisi quod postules impetres. Iniurius eris ipse, si sine causa te passum iniurias dixeris, & præsertim ab

ea Sede, quæ Mater est Iustitiæ & æquitatis .
 Postremò per amicitiam, per charitatem, per pacem quam erga Te seruare debemus, multopere rogitas, vt precibus tuis annuentes Tornacensem Ecclesiam Constantiensi committamus, & Tullensis Episcopi translationem reuocemus. Non egemus tot adiurationibus, aut tot precibus, nostrapte natura tibi morem gereremus, si res ipsa ferret (sed audiuisti quoniam res gesta est) iam Tullensis translatus est ex Consilio vniuersi Senatûs Apostolici, & suæ Ecclesiæ alter præfectus, quomodo fiet quod petis sinè iniuria? Iam verò ventum, est vt præsentì quæsitum ius sit, id sine Causæ cognitione auferri non debet, quod si (vt Oratores tui dixere & literæ tuæ sonant) præiudicium tibi factum putas, & hanc translationem iurè æstimas reuocandam, iudicium Tibi rectum æquumque offerimus. Causa hæc de maioribus est, & ad Sedem Romanam pertinet. Persuade Tibi, & nullatenus dubites, si causâ cognitâ inueniremus ita esse vt arbitraris, facilè obtinebis ab hac Sede, quod voles. Nihil enim magis optamus, quàm tuæ Serenitati per Iustitiam complacere. Hæc ad tuas literas, ad eaque Secretarius tuus exposuit non censemus respondendum. Ea enim dixit, quæ de tua mente nullo modo esse putamus. Datum Romæ apud Sanctum Petrum, Anno Incar-

nationis Dominicæ MCCCCLXI. VIII. Kal. Aprilis Pontificatûs nostri anno III.

Audisti cordate Lector, quæ Pius Pontifex tanto Regi prolixè, ac Paternè scripsit, quibus diligenter perpenſis, an Launoianis ſophiſmatibus validè reſponderim, ipſe tu iudices. multa me non animaduertiſſe, nullus dubito: ac multa quoque ſtudio credas me præteriſſe; cùm putarem, hæc ſufficere poſſe ijs, qui veritatem, ac Religionem ſectantur; alijs verò, qui præiudicatis opinionibus obcæcati ſunt, nec volumen integrum, Demotheaneâſque rationes ſatis eſſe poſſe. Finiam itaque, ac cum Horatio dicam:

Viue, Vale ſi quid nouiſti rectius iſtis,

Candidus, imperti: ſi non, his vtere mecum.



F I N I S.



AD-

A D D E N D A.

AD pag. 15. vbi agitur de tribus impressionibus, quæ vocem *Detraſſoribus* continent, videlicet vna Baſilæniſi de Anno 1551. ſecunda Norimbergenſi de Anno 1495. ac tertia Lugdunenſi de Anno 1518. Quartam adde quæ ad manus meas poſt præſentis operis impressionem deuenit, nempe Mediolanenſem ſupra memorato anno 1496. factam, in qua itidem eiufdem Pij Epistolæ continentur iuxta genuinum ſenſum editæ. Scilicet cum eadem voce *Detraſſoribus*.

E R R A T A C O R R I G E.

PAg. 5. l. 13. lege MDLXXI. 18. l. 3. prædictæ pag. 28. l. 14. l. temporibus. l. 26. l. Oratores. 29. l. 16. l. Tornacenſis.

2000 年 1 月 1 日

THE UNIVERSITY OF CHICAGO PRESS



